



**ZAPISNIK O RADU 44. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 05.09.2023. GODINE**

Broj: 01-GV-02-1240/23
Sarajevo, 05.09.2023. godine

Prisutni:

1. Jasmin Ademović, predsjedavajući Gradskog vijeća
2. Toni Vukadin, predsjedavajući Kluba gradskih vijećnika Naroda i Pravde
3. Vedad Deljković, predsjedavajući Kluba gradskih vijećnika „Deljković-Simonović“
4. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srđić“
5. Adi Škaljić, predsjedavajući Kluba gradskih vijećnika Naše stranke
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Enisa Spahić, zamjenica predsjedavajuće Kluba gradskih vijećnica „Enisa Spahić-Amra Zulfikarpašić“
8. Bajro Biber, predsjedavajući Kluba gradskih vijećnika „USD-BOSS“
9. Jasmin Skrupan, predsjedavajući Kluba gradskih vijećnika „Korora/Skorupan“
10. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
11. Samir Bejić, predsjedavajući Kluba gradskih vijećnika „Danijela Šahat - Samir Bejić“

Odsutni: Mirela Džehverović, zamjenica predsjedavajućeg Gradskog vijeća, Dragan Stevanović, zamjenik predsjedavajućeg Gradskog vijeća i Mila Eminović, sekretar Gradskog vijeća (opravdano odsustvo)

Sjednici je prisustvovao Samir Avdić, zamjenik gradonačelnice Grada Sarajeva.

Sjednici je prisustvovala, po ovlaštenju Gradonačelnice, Aida Bajramović, sekretarka organa uprave.

Sjednici su prisustvovali Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva i Amir Vrca, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 10.15 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno je usvojio** Zapisnik o radu 43. sjednice Kolegija Gradskog vijeća, održane 26.06.2023. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno, je usvojio** dnevni red 44. sjednice Kolegija Gradskog vijeća, tako da glasi:

1. Priprema za održavanje 31. sjednice Gradskog vijeća Grada Sarajeva
2. Tekuća pitanja



Ad1)

Priprema za održavanje 31. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno, je usvojio** sljedeći **zaključak**:

- 31. sjednica Gradskog vijeća će se održati u **srijedu 27.09.2023. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem najkasnije u **četvrtak 07.09.2023. godine do 12.00 sati**;
- Sjednice radnih tijela, u pripremi 31. sjednice Gradskog vijeća, će se održati u **sedmici koja počinje sa ponedjeljkom 11.09.2023. godine**;
- Pozivi gradskim vijećnicima za 31. sjednicu Gradskog vijeća će se uputiti najkasnije u **srijedu 20.09.2023. godine**.

Član Kolegija Vedran Dodik i Aida Bajramović, sekretarka Gradskog vijeća su pristupili sjednici Kolegija u 10.17 sati.

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Informacija o procesu donošenja Urbanističkog plana urbanog područja Sarajevo (Stari Grad, Centar, Novo Sarajevo, Novi grad, Ilidža i Vogošća) do 2036. godine i obaveznoj primjeni mjera zaštite ventilacionih koridora, prema informaciji Gradonačelnice, **nije spremna** i neće biti uvrštena u prijedlog dnevnog reda 31. sjednice Gradskog vijeća.

Informacija o stanju mostova u Gradu Sarajevu, prema informaciji Gradonačelnice, **nije spremna** i neće biti uvrštena u prijedlog dnevnog reda 31. sjednice Gradskog vijeća.

Informacija o stanju javnih grobalja u Gradu Sarajevu, prema informaciji Gradonačelnice, **nije spremna** i neće biti uvrštena u prijedlog dnevnog reda 31. sjednice Gradskog vijeća.

Izveštaj o izvršenju Budžeta Grada Sarajeva za period 01.01.2023. – 30.06.2023. godine, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 31. sjednice Gradskog vijeća.

Prema raspoloživim informacijama očekuje se da Informacija o radu i poslovanju Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „Sarajevo“ društvo sa ograničenom odgovornošću za period 01.01. – 30.06.2023. godine, bude uvrštena u prijedlog dnevnog reda 31. sjednice Gradskog vijeća.

Informacija o radu i poslovanju Javnog preduzeća „Olimpijski bazen Otoka“ d.o.o. Sarajevo za period 01.01. – 30.06.2023. godine, **je spremna** i očekuje se da će biti uvrštena u prijedlog dnevnog reda 31. sjednice Gradskog vijeća.

Prema raspoloživim informacijama očekuje se da Informacija o radu i poslovanju Javne ustanove „Gradski muzeji“ Sarajevo za period 01.01. – 30.06.2023. godine bude uvrštena u prijedlog dnevnog reda 31. sjednice Gradskog vijeća.

Prijedlog Odluke o podizanju Spomen-obilježja civilnim žrtvama rata Kantona Sarajevo, prema informaciji Gradonačelnice, **nije spreman** i neće biti uvršten u prijedlog dnevnog reda 31. sjednice Gradskog vijeća.

U raspravi koja je uslijedila o navedenom prijedlogu odluke učestvovao je član Kolegija **Vedad Deljković**, a pojašnjenja je dao **Jasmin Ademović**, **predsjedavajući Gradskog vijeća**.

Prijedlog Odluke o davanju saglasnosti na Program aktivnosti za Dan obilježavanja opsade Sarajeva 1992. – 1995. (skraćeni postupak), prema informaciji Gradonačelnice, **je spreman** i očekuje se da će biti uvršten u prijedlog dnevnog reda 31. sjednice Gradskog vijeća.

Prijedlog Odluke o davanju saglasnosti na Program aktivnosti za Dan obilježavanja genocida u Srebrenici, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 31. sjednice Gradskog vijeća.

c. Teme planirane Programom rada Gradskog vijeća Grada Sarajeva za 2023. godinu, a koje nisu realizovane u periodu januar - juli

Informacija o realizaciji Projekta revitalizacije uređenja platoa ispred bivše zgrade kasarne „Jajce“, prema informaciji Gradonačelnice, **nije spremna** i neće biti uvrštena u prijedlog dnevnog reda 31. sjednice Gradskog vijeća.

Informacija o pregledu stanja i realiziranim aktivnostima planiranim u Strategiji razvoja grada, 2021-2027, dio 6. Grad čuvar, za marginalizirane skupine, prema informaciji Gradonačelnice, **nije spremna** i neće biti uvrštena u prijedlog dnevnog reda 31. sjednice Gradskog vijeća.

Aida Bajramović, sekretarka organa uprave je upoznala članove Kolegija da će Informacija biti pripremljena za 32. sjednicu Gradskog vijeća, koja će se održati u mjesecu oktobru.

Informacija o realizaciji projekta sanacije zacjevljenog Bistričkog potoka, prema informaciji Gradonačelnice, **nije spremna** i neće biti uvrštena u prijedlog dnevnog reda 31. sjednice Gradskog vijeća.

Prijedlog Odluke o izmjeni Odluke o podizanju spomenika bosanskom kralju Tvrtku I Kotromaniću, prema informaciji Gradonačelnice, **nije spreman** i neće biti uvršten u prijedlog dnevnog reda 31. sjednice Gradskog vijeća.

d. Novi prijedlozi

Aida Bajramović, sekretarka organa uprave, je upoznala članove Kolegija da će Gradonačelnica za 31. sjednicu Gradskog vijeća predložiti i sljedeće materijale:

1. Prijedlog Odluke o pokretanju postupka prodaje transportnih kutija/sanduka u vlasništvu Grada Sarajeva putem javnog nadmetanja - licitacije
2. Prijedlog Odluka o imenovanju predsjednika Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „Sarajevo“ društvo sa ograničenom odgovornošću (JP „Sarajevo“ d.o.o.)
3. Prijedlog Odluke o davanju saglasnosti gradonačelnici Grada Sarajeva za potpisivanje Memoranduma o saradnji između Grada Sarajeva i radiotelevizije Bosne i Hercegovine
4. Informacija o aktivnostima gradonačelnice Grada Sarajeva usmjerenim ka sveobuhvatnoj borbi protiv nasilja sa prijedlogom zaključaka

Jasmin Ademović, **predsjedavajući Gradskog vijeća** je upoznao članove Kolegija Gradskog vijeća da je u vezi sa Zakonom o suzbijanju korupcije, dostavljeno nekoliko ostavki, odnosno prijedloga za razrješenje članova radnih tijela Gradskog vijeća i to od Kluba

gradskih vijećnika Naše stranke dva prijedloga i Kluba gradskih vijećnika Socijaldemokratske partije jedan prijedlog.

Također je upoznao članove Kolegija Gradskog vijeća da je Jasmin Šljivo, član Komisije za ljudska prava i slobode, Predsjedavajućem Gradskog vijeća podnio ostavku na tu dužnost te da je Ured za borbu protiv korupcije uputio upit o statusu Saliha Išerića, člana Odbora za urbanizam i upotrebu lokalnog zemljišta.

Podsjetio je da je Jasmina Šljivu i Saliha Išerića predložio Klub gradskih vijećnika Stranke demokratske akcije. Budući da u Gradskom vijeću nema Kluba gradskih vijećnika Stranke demokratske akcije, da su dva člana ranijeg kluba Stranke demokratske akcije formirala novi klub, a da je Stranka demokratske akcije u Gradskom vijeću zastupljena sa jednom gradskom vijećnicom, bitno je odrediti se ko će predložiti razrješenje ovog člana radnog tijela Komisiji za izbor i imenovanja Gradskog vijeća, odnosno koji klub gradskih vijećnika će predložiti novog člana ovog radnog tijela u skladu sa članom 39. stav 4. i 5. Poslovnika Gradskog vijeća kojim je propisano da članove koji nisu gradski vijećnici predlažu klubovi gradskih vijećnika tako da sastav radnog tijela održava sastav Gradskog vijeća i članom 40. stav 4. kojim je propisano da ukoliko nekom od članova radnih tijela prestane mandat novo imenovanje vrši se na prijedlog odnosno kluba vijećnika.

U raspravi koja je uslijedila učestvovali su članovi Kolegija **Vedran Dodik, Toni Vukadin i Muamer Mekić**, a dodatna pojašnjenja dao je **Jasmin Ademović, predsjedavajući Gradskog vijeća**.

Članovi Kolegija su se saglasili da neće predlagati razrješenja odnosno izbor novih članova u radna tijela Gradskog vijeća kada su članovi radnih tijela općinski vijećnici dok se ne dobije mišljenje Ureda za borbu protiv korupcije i upravljanje kvalitetom o eventualnom sukobu interesa, a koje je od Ureda zatražio općinski vijećnik i član Odbora za urbanizam i upotrebu lokalnog zemljišta u Gradskom vijeću Salih Išerić.

Ukoliko ovo mišljenje bude dostavljeno i Gradskom vijeću isto će Stručna služba za poslove Gradskog vijeća proslijediti članovima Kolegija.

Jasmin Ademović, predsjedavajući Gradskog vijeća je podsjetio članove Kolegija da je zamjenik predsjedavajućeg Gradskog vijeća Dr. Dragan Stevanović podnio ostavku na funkciju zamjenika predsjedavajućeg u Gradskom vijeću, da je ostavka, u skladu s propisanim procedurom, upućena Komisiji za izbor i imenovanja na davanje mišljenja te kada Komisija da svoje mišljenje, ostavka će se zajedno s mišljenjem Komisije uputiti Gradskom vijeću.

Tako da će u prijedlogu dnevnog reda sjednice biti i tema:

- Razmatranje ostavke zamjenika predsjedavajućeg Gradskog vijeća (*Dragan Stevanović*)

Gradsko vijeće može odlučiti o tome da uvaži ostavku prihvaćajući razloge navedene u njezinom obrazloženju.

Jasmin Ademović, predsjedavajući Gradskog vijeća je podsjetio članove Kolegija da je Gradsko vijeće krajem 2021. godine, donjelo Odluku o uslovima i načinu korištenja i davanja u zakup poslovnog objekta "Vidikovac".

Međutim, odluka nije nikada stupila na snagu, jer je u završnim odredbama navedno da će stupiti na snagu danom okončanja upisa objekta u zemljišne knjige, što je kako sada stvari stoje daleko.

Predložio je da Gradonačelnica pripremi i predloži odluku o stavljanu van snage ove odluke, jer je Gradsko vijeće, prije par mjeseci donijelo odluku koja se odnosi na uslove način davanja u zakup svih prostora u vlasništvu Grada Sarajeva te podsjetio i na Odluku o pristupanju projektu Tech4Green.

Sa ovim prijedlogom su se članovi Kolegija saglasili.

Ad 2)

Tekuća pitanja

Jasmin Ademović, predsjedavajući Gradskog vijeća je podsjetio članove Kolegija da je, u skladu sa usvojenim zaključkom iniciranim na sjednici Gradskog vijeća, formiran Organizacioni odbor za obilježanje 40 godina ZOI 84. te da je odluka stupila na snagu. Istakao je da je važno da manifestacija bude uspješna i promotivna za Grad Sarajevo, te da se očekuje maksimalan angažman svih subjekata.

Na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća, jednoglasno, je usvojio sljedeći zaključak:

1. U funkciji predsjednika Organizacionog odbora za obilježavanje 40. godišnjice ZOI 1984. Sarajevo, Predsjedavajući Gradskog vijeća će sazvati održavanje konstituirajuće sjednice Organizacionog odbora, najkasnije do 30.09.2023. godine, a na navedenoj sjednici će se razmatrati Nacrt Programa obilježavanja 40. godišnjice ZOI 1984. Sarajevo.
2. Gradonačelnica Grada Sarajeva prihvata da će, u okviru djelokruga gradskih službi za upravu i stručnih službi obezbijediti da administrativne i druge poslove za potrebe Odbora vrše nadležne službe, a prije svih Gradska služba za obrazovanje, kulturu, sport i mlade, u koordinaciji sa kabinetom predsjedavajućeg Gradskog vijeća – predstavnicima koje odredi Predsjedavajući Gradskog vijeća.
3. Gradonačelnica Grada Sarajeva prihvata da će putem nadležne Službe obezbijediti izradu Nacrta Programa obilježavanja 40. godišnjice ZOI 1984. Sarajevo, a na osnovu prijedloga koji su do sada dostavljeni predsjedavajućem Organizacionog odbora te prikupljanjem prijedloga kulturnih, umjetničkih, obrazovnih i drugih sportskih subjekata.
4. Radni materijal za Nacrt Programa će se uputiti predsjedavajućem Organizacionog odbora najdalje do 18.09.2023. godine.

U raspravi koja je uslijedila učestvovao je član Kolegija **Adi Škaljić**, a pojašnjenja je dao **Jasmin Ademović, predsjedavajući Gradskog vijeća**.

Jasmin Ademović, predsjedavajući Gradskog vijeća je podsjetio članove Kolegija da je na jednoj od prošlih sjednica Kolegija razmatran Zaključak Administrativne komisije sa 45. sjednice održane dana 18.05.2023. godine koji je usvojen prilikom razmatranja Prijedloga Odluke o davanju saglasnosti na Odluku o raspodjelu dobiti JP „Sarajevo“ d.o.o. za 2022.

godinu i u kome je Administrativna komisija uputila prijedlog Kolegiju Gradskog vijeća da planira održavanje tematske sjednice Gradskog vijeća s ciljem razmatranja opredjeljenja Grada Sarajeva o projektima koji se odnose na dalji razvoj javnih preduzeća i javne ustanove Grada Sarajeva, te drugih razvojnih projekata Grada.

Tada je Kolegija prihvatio prijedlog da se na jednoj od narednih sjednica Kolegija Gradskog vijeća razmatraju termini održavanja tematskih sjednica koje se odnose na ovaj prijedlog Administrativne komisije kao i na regulacione planove koji su u proceduri u Gradu Sarajevu.

Jasmin Ademović predsjedavajući Gradskog vijeća je napomenuo da je tematska sjednica za regulacione planove održana, a da bi se o terminu održavanja tematske sjednice o razvojnim projektima trebali izjasniti na narednoj sjednici Kolegija Gradskog vijeća.

Jasmin Ademović, predsjedavajući Gradskog vijeća je podsjetio članove Kolegija da su pod informativnim materijalima, Kolegiju dostavljani akti kojima su se određeni subjekti obraćali Gradskom vijeću, uglavnom s ciljem da Gradsko vijeće bude upoznato sa određenom problematikom jer se subjekti istovremeno obraćaju i Gradonačelnici, odnosno drugim nadležnim organima.

Tako je podsjetio da je uz dnevni red današnje sjednice dostavljena peticija građana iz obuhvata Regulacionog plana Hrasno I te je istakao da jedino što bi se moglo uraditi je da Gradsko vijeće uputi inicijativu Općinskom vijeću Novo Sarajevo da se izmjena Plana ne razmatra po skraćenom, već u redovnom postupku kako bi građani mogli učestvovati u javnoj raspravi iako je u Odluci o pristupanju izmjeni Plana navedeno da se radi po skraćenom postupku.

Pozvao je članove Kolegija Gradskog vijeća da razmotre mogućnost na koji način bi Gradsko vijeće, odnosno gradski vijećnici pojedinačno mogli pomoći građanima, prije svega da procesi u Općini budu potpuno transparentni i javni.

Jasmin Ademović, predsjedavajući Gradskog vijeća je podsjetio članove Kolegija da je uz poziv za sjednicu članovima Kolegija Gradskog vijeća dostavljeno i pismo Gender instraživačkog centra Homework HUB, te da će Pismo, kao informativni materijal, biti upućeno i Komisiji za jednakopravnost spolova uz poziv za prvu narednu sjednicu.

Podsjeti je da je Grad Sarajevo donio Akcioni plan rodne ravnopravnosti, o čijoj realizaciji Gradonačelnica godišnje podnosi izvještaj Gradskom vijeću.

Član Kolegija **Adi Škaljić** je postavio pitanje vezano za izradu Poslovnika Gradskog vijeća Grada Sarajeva.

Jasmin Ademović, predsjedavajući Gradskog vijeća je podsjetio da je na 43. sjednici Kolegija Gradskog vijeća održanoj 26.06.2023. godine upoznao članove Kolegija Gradskog vijeća da će Stručna služba za poslove Gradskog vijeća pripremiti radni materijal Nacrta Poslovnika Gradskog vijeća i uputiti ga Komisiji za Statut i akte, kao predlagaču materijala, na razmatranje.

Član Kolegija Vedran Dodik je uputio pitanje koji propis zabranjuju da Grad Sarajevo organizuje šalter salu i ubire prihode od ovjere.

Aida Bajramović, skretarka Gradskog vijeća je rekla da će odgovor na postavljeno pitanja biti dostavljen pismeno.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 10.45 sati.

SEKRETAR GRADSKOG VIJEĆA

Mila Eminović

PREDSJEDAVALJUĆI GRADSKOG VIJEĆA

Jasmin Ademović, s.r.